

spectus est. Ea gens Parthorum more maxima ex parte equis vehitur, sagittis pugnat, militaribus armis mediocriter instructa, ut quæ in perniciousitate & sagittarum nimbis spei plurimum habet. Sed præcipuum exercitus robur agmen est circa Regem adeptitans, (Genizari eorum lingua dicti.) Hi à teneris annis militari disciplina adscripti, datis ad eam rem Magistris, omne in bellis, vel bellicis meditationibus ævum agunt, armis quam ceteri instructiones; numerum æquant quindecim millium. Quorum non exigua pars vel bello capta, vel à Christianis Deum verum abnegantibus, orta esse narratur. Tertio subinde die recreato exercitu, comparatisque omnibus, quæ ad oppugnandam Urbem necessaria videbantur, ad Urbis muros copias admovit, tanta usus & militum promptitudine, & ducum suorum diligentia, ut eam omnem Urbis partem, quæ continenti jungitur, defosso secus Urbis fossam vallo, paratis ad id cratibus, virgultisque, & superjecto aggere communito, quo pugnantem tegebant, eodem, quo venerat, die circumvallaret. Est enim Urbs Constantinopolis in trianguli formam æquis fere spatiis sita, ambitu passuum millium octo & decem, in extremo Thraciæ angulo, ad Eufini ostium, & veluti promontorium quoddam in Propontidem spectat. Cujus tertia pars in Septentrione versa, quum, ut præmissimus, continenti juncta sit, reliqua ejus latera duo, quæ in Meridiem spectant in angulum coarctata, hinc atque hinc mari abluuntur. Urbs verò duplici muro cineta est, nisi quod ubi iustibus longius objecta est, portusque tutissimus intra munitiones Urbis reperitur, exterior murus percutientibus undis cessit. Qua verò mediterranea spectat, fossæ profundæ crepido magni operis calce & latere firmata extremum tueretur murum: prorsus ut ad muniendam tanto opere Urbem Constantino conditori Romani Imperii opes vix sufficere potuisse videantur. Argumento est, quod tot opibus tot annis in construenda Urbe absumtis, nonnihil tamen spatii superfuit in loco, quem Calegaream dicunt, ubi nec murus extremus est, nec fossa deducta. Græci tantis copiis territi (facile etenim ex castrorum situ, & tentorium numero vis hostium deprehendebatur) non longius progredi, neque hostiles machinas, quas ad evertendos muros propius duci, figique videbant, deturbare ausi sunt. Sed intra primi & novissimi muri spatium in latitudine non ubique pari, sed magna ex parte pedum fere quinquaginta, excubiis, stationibusque dispositis Urbem tuerentur. Jam Turcus machinis ingentibus æneis admotis, quarum quæ major erat, vix à centum & quinquaginta jugis boum dimovebatur, lapidem verò silicem cum horribili fonitu emittebat tantæ magnitudinis, ut undecim palmorum in giro mensuram æquaret, ponderis verò duarum millium & centum librarum diceretur, partem illam muri simplicis, quamvis prævalidi, Calegaream, aggressus, frequenti lapidum collisione prostratam solo æquaverat.

Pugna verò assidua dies noctesque premebat Urbem. Ratus eam hominum paucitatem, à quibus tantæ magnitudinis Civitas defendebatur, vel vi vel labore subactam multitudinem suorum, qui per vices muros pugnando promptissime subibant, diutius tolerare non posse. Ex Græcis enim, quamvis imbellis turba ingens intra mœnia clauderetur, qui pro patria

A pugnarent, non amplius quam sex millia fuisse perhibentur; Latinorum autem ex variis nationibus tria millia. Summa verò rei totius penes Johannem Longum Justinianum Genuensem impigrum juvenem fuit. Eum enim cum duabus navibus primariæ magnitudinis per maria illa decursantem Imperator collato stipendio per eosdem, quibus Urbs premi cœpta erat, dies, militiæ suæ adscriptum Capitaneum ceteris prætulit. Et quoniam strenue convulsos muros instaurare, manum cum hoste conferere, Urbemque animosius tueri visus est, Lemni etiam Insulæ dono, si propellerentur hostes, virtutem ejus decoraturum se receperat. Stabant præterea in portu potius quam
 B pugnabant triremes Venetæ mercatoriæ tres, & agiles duæ, quas aliquot ante menses venturi hostis præsciis Imperator in spem Civium suorum magno pretio in portu retinuerat. Sed quum inducias cum Turco servare viderentur, nonnisi, quæ clanculo poterant, ægre obfessis laborantibusque auxilia subministrabant. Turcus, ubi murum, quem demolitus fuerat, sarmentis, humo, doliisque, & ex lana & multiplici materia fascibus inter se compositis, reparatum vidit, convulsis inde machinis Bacatuream Turrem juxta Portam Sancti Romani dictam pari nisu concutit. Ligneas præterea Turres, propugnaculaque, quam proxime fossam potest, instruit, & extracto ab illis in fossam usque itinere tecto, quacumque materia repleri eam jubet. Quumque tantarum vim machinarum nulla muri crassitudine diutius tolerare posset, colliditur Turris, collapsaque ingenti ruina fossa repletur, ita ut patenti propemodum portâ via pateret, si mature hostis irrupisset. Sed mirabili & in hoc obfessorum celeritate reparato, velut antea, perstrenue muri loco, prævento hosti irrumpendi occasio sublata est. Ferunt Turcum tantam in reparando muro nostrorum promptitudinem industriamque demiratum, quos insuper tot congesta assidue tela non deterrere, dixisse: *Non Græcorum hoc est, sed Latinorum ingenium;*
 C Johannisque animum magnis conditionibus, ut ad se pelliceret, pertentasse. Non defatigabatur tamen infestus hostis, sed integros pro faucibus, recentes pro defessis submittebat, qui in fossam usque penetrantes, ferreis aduncis rastrois, varioque nisu congesta à nostris in muri locum sarmenta, doliisque detrahebant. Accersito præterea ex Novobrodo magno fossarum numero, ubi in effodiendis minæris, continuoque opere exercebantur, profundos cuniculos quinq; intra Urbem duci jubet. Quod opus tantâ curâ perfectum est, ut subter fossæ crepidinem videntes primum murum penetrantes, paucos intra dies suffoderent, & convulsâ Turris, quæ adstabat, fundamenta lignis sustentarent, quo ad quam meditabantur
 D expleta, immisso igne in præceps rueret. Sed præcipuâ industriâ Johannis Grandis Alemanni, Justiniani commilitonis, tam occultum, tamque exitiale periculum est deprehensum, Græcis nihil prorsus tale suspicantibus. Namque in ejusmodi opere Amorum frustra laborasse, neque fossam, quamvis nullo impediende pertransire potuisse, meminerant, vehementiusque ex hac re animadversa sunt perterriti.

E Itum est igitur obviam aliis in adversum defossis cuniculis, & repulsis ferro igneque & sulphure hostibus, stabilita è vestigio Turris est, & repleti cuniculi. Turcus interea non
 satis